

Zabaldu duzu bidea
fabrika ta etxe artean
iturburua, ideiak
aro berrien arten.

Zure zurrunbiloetan
gazia eta gozoa
gogorarazi diguzu
hor dagoela itsasoa.

Leloa

Behera gora, nola nora
erriola!
kilometroz kilometro
itsasora! erriora!
Euskara marean gora!
erriola!
kilometroz kilometro
itsasora! erriora!

Ilargia da marea
mugi dezakeen bakarra
geu gara euskararen
ilargi bete bakarra.

Alde bat eta beste
ezkerra eta eskubia
biak batera da euskara
ibaia eta zubia

–leloa –

Zure urezko besoak
besarkatzen du herria
plaza, kaleak, auzoak
zaharra eta berria

Hortxe dago itsasoa
hurbila ala lausoa
hortxe dago itsasoa
euskaraz herri osoa!

Hitzak. Jon Maia Soria